

est, quae in fronte et sub montis pede lacum longe lateque paten-
tem oppidumque exinde dictum *Seestadiolum* juxta viam regiam,
qua Litomericium Satecumque itur; post tergum autem siluam mul-
taque montium juga tenet, conspectumque mirum in modum et
augustissimum praebet peregrinantibus. Vicus, qui in vasta ac
spatiosa planicie sub radicibus montis quasi procumbit, *Conra-*
di vicus seu *Kunnersdorf* dictus, ex conditoris *Conradi* hujus vo-
cabulo nomen habet. Jucunda me nunc subit memoria anni
M. DCC. XLV. quo mihi, vt in hanc regni, ad instar Canaani-
tici, prouinciam vna cum legione mea pedestri, cui tunc, rem-
diuinam faciendo militiae, praeram, hiematum veni, haec
omnia curatius perspiciendi data est occasio. Memini et adhuc
me tum audiuisse, quae Dominus Burggravius, siue arcis supra-
dictae praefectus, in comitum frequentia equestrium coram re-
ferebat: fuisse nimirum hanc arcem totumque ejus tractum
AVGVSTO MAGNO nostro, Sarmatarum Regi Saxo-
numque Principi Electori, a venationibus, quem summo, ut so-
lebat, studio vestigia *Conradi* istius quam famosissimi, et auito-
rum suorum plagiarii sceleratissimi, hic loci indagasse et locum
hunc peramoenum, ceu speluncam olim vulpinam, multum gau-
dii exinde capiendo, animo oculisque quondam perlustrasse per-
hibebat.

Adde, quod et ex his diplomatibus, numero quidem se-
cundo, patet: annum nempe M. CD. LV. *Conrado*, per litte-
rarum compendia et vulgo *Kuntz von Kauffung* nuncupato,
equiti fortitudinem magis quam fidem colenti, fuisse fatalem ac
emortualem, haecque litteras publice patentes hoc ipso tempo-
rum tractu ab eodem fuisse signatas, quo *Principibus ERNE-*
STO et *ALBERTO Saxonis Altenburgi*, quod regiam tunc
habebat haec prouincia, parabat infidias maxime periculosas.
Scriptiois autem aequae ac signationis locum *Zviccauiam*, no-
strum